

QHAWAQ

JEHOVÁ DIOSPA GOBIERNONMANTA WILLASHAN



**CHEQNINAKUYTA
CHINKACHISUN**

KAYKUNAMANTA YACHASUN

3 ¡Atisunmanmi chinkachiya!

4 ¿Imaraykun sinchi cheqninakyu kan?

6 ¿Imaynatan cheqninakyu chinkachisunman?

Ama pimanpas sayapakuychu

Ama vengakuychu

Cheqnipakyu sonqoykimanta orqoy

Diospa yanapayninta mañakuy

14 ¡Wiñaypaqmi chinkapunqa!

16 Tukuy ladopin cheqninakyuqa kashan

Kay pachapiqa tukuy ladopin cheqninakyuqa kashallanpuni. Runamasinkuta cheqnikuspan wakinqa jujkunata pisichanku, maqanku, juj millay ruwaykunatapas ruwanku. ¿Jayk'aqllapas mana cheqninakuspa kausasunmanchu? Bibliapiqa rimashanmi chay tapuymanta, chaypi nisqanqa yanapasunkimanmi runamasiykita amaña cheqnikunaykipaq, chaymantapas willashanmi pisi tiempollamanta Diosninchis wiñaypaq cheqninakyu chinkachinanmanta.

QHAWAQ

JEHOVÁ DIOSPA GOBIERNOMANTA WILLASHAN

Vol. 143, núm. 5 2022 QUECHUA (CUZCO)

Sapa kutin ruwakun yaqa:

36.300.000 revistakunata

419 RIMAYKUNAPIN kashan

KAY *Qhawaq* revistaqa Jehová Diostan jatunchan. Willanmi janaq pachapi Diospa gobiernon pisi tiempollamanta kay pachapi millay kausayta chinkachinanta, pachantin-ta paraisoman tukuchinantawan, chayqa kusikunapaqmi. Chaymantapas, kay revis-taqa runakunatan yanapan chay gobierno-pi kamachikuq rey Jesucristopi iñinanku-paq, paymi noqanchisrayku wañuran wiñay kausayman aypananchispaq. Kay revistata-qa 1879 watamantapachan ruwakushan manan politicawan chaqrunkunchu, aswan-pas Bibliaq nisqallantan yachachin.

Qhawaq (mayo y junio de 2022) es una publicación editada en Perú por la Asociación de los Testigos de Jehová, Jirón El Cortijo 329, Monterrico Chico-Santiago de Surco, Lima 33, Lima-Perú. © 2022 Watch Tower Bible and Tract Society of Pennsylvania.

PERÚ nacionpi:
Asociación de los
Testigos de Jehová
Jr. El Cortijo 329, Monterrico Chico
Santiago de Surco, Lima 33
Lima-Perú

Juj nacionkunapi direccionta
yachanaykipaq, maskhay
www.jw.org/quz/waqyamuwayku.



¿Munawaqchu pipas Bibliamanta
yachachinasuykita?

Chaypaq jaykuy
www.jw.org/quz
nisqaman

otaq qelqay wichaypi kaq
direccionman.

Kay qelqataqa donacionkunawanmi ruwakun Bibliamanta mundontinpi yachachinapaq. Manan vendenapaqchu. Donacionta churayta munaspaqa jaykuy donate.jw.org nisqaman. donate.jw.org. Kay revistapi "griego rimay" nisqa textokunaga *Mosoq Pachaq Biblian*, *Diospa Palabran* nisqa Bibliamantan orqosqa kashan; "hebreo rimay" nisqa textokunataq *Diospa Simin Qelqa*, edición 2004 Bibliamanta, ortografiatan ichaqa noqayku cambiamuyku.

¡Atisunmanmi chinkachiyta!

¿Jayk'aqllapas jujkuna cheqninkurasunkikuchu?

Rikuranchischá runakunaq cheqninakusqantaqa. Sapa kutillanmi noticiakunapi uyarinchis askha runakuna waj llaqtayoqkunata, warmikunata, qharikunata, juj colorniyoqtapas cheqninkusqankuta. Chaymi askha nacionkunapi leykunata churanku runamasinkuta ama cheqninkunankupaq.

Jujkunata cheqnikuqtaqa yaqaspachá paytapas jujkuna cheqninkuranku, chhaynapin cheqninakuyqa tukuy ladopi mast'arikun.

Yaqapaschá qanmanta mana allinta rimaranku, burlakuranku, otaq amenazarasunkikupas. Jujkunata cheqnikuymi ichaqa aswan millaraq. Runamasinta cheqnikuqqa cheqninkusqan runatan maqanman, wañuchinman, violanman otaq juj millakunatapas ruwanman.

Kay qelqapin willashan imatas ruwasunman jujkunata amaña cheqninkunapaq, kay tapuykunamantapas rimashanmi:

- ¿Imaraykun sinchi cheqninakuy kan?
- ¿Imaynatan cheqninakuyta chinkachisunman?
- ¿Jayk'aqllapas chinkanqachu cheqninakuy?



¿Imaraykun sinchi cheqninakuy kan?

¿Iman jujkunata cheqnikuy? ¿Imaraykun runamasinkuta cheqnikunku? ¿Imaraykun jujkunata cheqnikuy tukuy ladopi kashan? Chay tapuykunamantan kaypi yachasun.

¿Iman jujkunata cheqnikuy?

Runamasinta cheqniquqqa nishutan cheqnikusqan runata pisichan, manan rikuytapas atinchu. Chaymantapas unaymi chayqa sonqollanpi kashan.

¿IMARAYKUN RUNAMASINKUTA CHEQNIKUNKU?

Imaymanan runakunataqa tanqan jujkunata cheqnikunanpaq. Wakinqa jujkunatan cheqnikunku *waj familiamanta waj llaqtamanta kasqankurayku*. Chaymantapas wakinqa millay runapaqmi paykunata qhawarinku, otaq ninku: “Chaykunaqa manan cambiankumanchu”, nispa. Wakintaq ninku: “Paykunaq kausanpin imaymana llakipi tariku-shanchis”, nispa. Chaymantapas wakinqa jujkunatan cheqnikunku chay runakuna paykunata mana allinkunata ruwasqanrayku.

¿IMARAYKUN CHEQNINAKUY KAN?

Wakinqa mana reqsisqanku runakunatapas cheqnikunkun. Paykunaqa jujkunaq mana allin rimasqanta kasuspan jujkunata cheqnikuyta qallarinku. Chhaynapin runamasita cheqnikuyqa tukuy ladopi mast'arikun.

Rikusqanchis jina, jujkunata cheqnikuyqa ratullan tukuy ladopi mast'arikunman. Ichayqa runamasinchista amaña cheqnikunapaqqa yachananchismi imachus jujkunata cheqnikuyma tanqasqanta. Bibliapin chaymanta rimashan.


LLULLAKUSPA RIMAQTINKU

Mana allin amigokuna
Redes sociales nisqapi
Noticiakunapi

Imaynapin cheqnikuy qallarín

CHEQNIKUQQA

Jujkunatan k'amin
Jujkunatan pisichan
Jujkunatan maqan



MANA ALLINTA REQSISPA

Waj llaqtayoqkunata
Waj colorniyoqkunata
Waj religionniyoqkunata

MANCHAKUQTINCHIS

Imapas cambiananta
Imanchispas chinkapunanta
Ima mana allinpas pasananta

¿IMAN RUNAKUNATA TANQAN CHEQNINAKUYMAN?

MANAN RUNACHU CHEQNINAKUYTAQA QALLARICHIRAN. Jujkunata cheqnikuyqa janaq pachapin qallariran, juj angelmi Diospa contranpi jatariran, paytan Satanás sutiwan reqsikun. Diospa contranpi jatarispan runa wañuchiqlman tukupuran. Bibliapin willan Satanasqa llullakuspa rimasqanta, paymi jujkunata tanqashallan cheqninakuymán, millaykunata ruwanankupaqpas (Juan 8:44; 1 Juan 3:11, 12). Chaymantapas willanmi millaypuni kasqanta, sinchi phiñasqa kashasqantapas (Job 2:7; Apocalipsis 12:9, 12, 17).

JUCHAYOQ KASPAN JUJKUNATA CHEQNIKUSUNMAN. Ñaupaq taytanchis Adanmi Satanás jina Diospa contranpi sayariran, paypa wawankuna kasqanchisraykun juchayoq

kanchis (Romanos 5:12). Adanpa phiwi churín Cainpas wayqen Abeltan wañuchiran payta cheqnikusqanrayku (1 Juan 3:12). Runakunaqa khuyapayanchismi jujkunata, ichaqa juchayoq kasqanchisraykun askha runakuna paykunallapi piensanku, envidiakuspataq jujkunata cheqnikunku (2 Timoteo 3:1-5).

JUJKUNAPAQ PHIÑAKUY. Tukuy ladopin runakunaqa millaykunata ruwashanku. Kay pachaq Satanaspa makinpin kashan, chaymi runakunaqa jujkunaq imayna kasqanwan phiñakunku, paykunata pisichanku, k'aminku, juj millay ruwaykunatapas ruwanku (1 Juan 5:19).

Bibliapiqa manan cheqninakuy qallarisqallanmantachu willan, willallantaqmi chinkachisqa kanantapas.

¿Imaynatan cheqninakuyta chinkachisunman?

Bibliapin kashan Diospa yuyaykusqan, chaymi yanapawasun allin runa kananchispaq (Hebreos 4:12). Chaypi nisqanta kasukuspan askha runakuna manaña runamasinkuta cheqnikapunkuchu. Bibliapiqa kashanmi tawa sumaq yuyaychaykuna, chaykunamantan qatimuqpi yachasun.

1

AMA PIMANPAS SAYAPAKUYCHU

Bibliapin nin: “Allintan entiendeni Diosqa lliutapas igual-llata rikusqanta, payta manchakuspa allin kaqta ruwaq runakunataqa may nacionmantaña kanku chaypas sumaqta chaskisqantawan”, nispa (**HECHOS 10:34, 35**).

¿Imatan chaywan nishan?

Jehová* Diosqa mayqen runatapas chaskillanmi serviqnin kananpaq, payqa manan ninchu: “Kay runaqa waj llaqtamantan”, nispa. Payqa imaynachus kasqanchistan qhawamun, Bibliapin nin: “Runallan rijch'aynintaqa qhawan, noqan ichaqa sonqonta qhawani”, nispa (1 Samuel 16:7).

Kayta ruway:

Manaña jukunaq sonqonta qhawayta atisunmanchu chaypas, Jehová Dios jinan jukunata igual-llata rikunanchis. “Chay runakunaqa chhaynapunin kanku” ninanchis-mantaqa sapanka runatan allinta reqsinanchis. Sichus jukunata mana allinpaq qhawarinki waj llaqtayoq kasqanrayku chayqa, Diosmanta mañakuy ama chhaynata pien-sanaykipaq (Salmos 139:23, 24). Diosqa yanapasunkin amaña cheqnikunaykipaq (1 Pedro 3:12).

* Jehová nisqan Diospa sutinga (Salmos 83:18, *Traducción del Nuevo Mundo*).



**“Ñaupaqqa manan
yuraq runakunawanqa
rimaqchu kani. Chaypin
yacharani Testigokuna-
qa cheqaqtapuni muna-
nakusqankuta”
(TITUS)**



TITUS

runamanta yachasun
Manañan jujkunata
cheqnikuranchu

Payqa ñaupaqpin juj grupopi juñukuran, chay runakunaqa phiñasqan kasharanku yana colorniyoq runakunata llaqtankupi pisichasqankumanta. Paymi nin: “Sapa kutillanmi rirayku yana colorniyoy runakunata mana chaskisqanku localkunata, chaypi kaq runakunawan maqanakunaykupaq. Noqaqa nishutan jujkunata cheqnikurani, chaymi piwanpas discutispaqa maqallaqña kani”, nispa.

Paymi ichaqa Jehová Diospa testigonkunawan Bibliata estudiaspa cambiapurán. Bibliapin willashan jamuq tiempopi manaña wañuytas, llakikuytas, waqaypas, nanaypas kananta, chayta yachasqanmi sonqonman chayaran (Apocalipsis 21: 3, 4).

Qallariypiqqa sasan karan jukkuna cheqnikuyta sonqonmanta orqoy. Paymi nin: “Sasan karan imayna piensasqayta cambiayqa, ichaqa Hechos 10:34, 35 textopin willashan Diosqa lliuta igualllata rikusqanta, chaymi yanapawaran cambianaypaq”, nispa.

¿Imaynan kunan kashan? Paymi nin: “Rikuranin Jehová Diospa testigokunaqa may llaqtamantaña kaspapas cheqaqtapuni munanakusqankuta, Bibliaq nisqanman jina kausasqankutapas. Manaraq bautizakushaqtiymi yuraq colorniyoy hermano wasinpi mijunaykupaq invitawaran. Chayqa mosqoy jinan noqapaqqa karan, ñaupaqqa manan yuraq runakunawanqa rimaqchu kani. Chaypin yacharani Testigokunaqa cheqaqtapuni munanakusqankuta”, nispa.



Titus sutiyoy runamanta astawan yachanaykipaq leey 2009 watamanta 1 agosto killamanta *La Atalaya* revistapi 28, 29 paginakunata, chayqa.jw.org nisqapin kashan.

2

AMA VENGAKUYCHU

Bibliapin nin:

“Ama pimanpas mana allinmantaqa mana allinllawantaq kutichiychischu [...]. Ama qankuna kikiykichisqa vengakuychischu [...]. Simin qelqapipas ninmi: Noqamanmi tupawan vengakuyqa, noqañan kutichipusaq ninmi Jehová Diosqa”, nispa (**ROMANOS 12:17-19**).



¿Imatan chaywan nishan?

Pipas mana allinta ruwawaqtinchisqa phiñakunchismi, Diosmi ichaqa niwanchis ama vengakunanchispaq. Payqa pisi tiempollamantan tukuy mana allin ruwayta chinkachipunqa, chaymi munan pacienciawan aguantananchista (**Salmos 37:7, 10**).

Vengakuspaqa kikillanchis-taqmi dañota ruwakusun

Kayta ruway:

Jujkunamanta vengakuspaqa astawanmi jujkunawan cheqninakusun. Chay jinaqa, pipas mana allinta ruwarasunki chayqa ama vengakuychu, aswanpas sumaqlata rimapayay. Mayninpiqa chay ruwawasqanchista qonqapuymi aswan allinqa kanman (Proverbios 19:11). Mayninpin ichaqa allin kanman autoridadkunaman chayta willay. Yaqapaschá denunciata churasunman policiakuna otaq juezkuna encargakunankupaq.

Ichaqa, ¿imatan ruwawaq ima sasa-chaytapas sumaqlata allichanaykipaq tukuy atisqaykitaña ruwashaqtiykipas mana allichakuyta atikuqtin? Chhaynapa tarikuspapas manan vengakunaykichu, vengakuspaqa aswan llakipin tarikuwaq. Diosqa tiempollanpin chayta allichanqa, chaymi Diospi confianayki. Salmos 37:3-5 textopin nin: “Payman jap'ipaykukuy, paytaqmi yanapaykusunki”, nispa.



ADRIÁN

runamanta yachasun

Manañan jujkunamanta vengakuranchu

Waynallaraq kashaspan payqa juj grupopi karan, chay runakunaqa nishutan jujkunata cheqnikuran-ku. Paymi nin: “Sapa kutillanmi jujkunawan maqanakuspa baleanakurayku, jinan askha kutipi yawar sut'ushaq callepi wijch'urayarani”, nispa.

Ichaqa 16 watanpi kashaspan Adrianqa Bibliata estudiaran. Paymi nin: “Bibliata estudiaspan repararani cambianay kasqanta”, nispa. Payqa yacharanmi jujkunata cheqnikuypas maqaypas mana allin kasqanta. Romanos 12:17-19 textopi nisqanmi yanaparan amaña vengakunanpaq. Paymi nin: “Chay textota leespan yacharani Jehová Diosqa tiempollanpi mana allin ruwaykunata chinkachipunanta. Chayta yachaymi yanapawaran pisi-pisimanta cambianaypaq”, nispa.

Juj tutan ñaupaqpi enemigonkuna payta maqaranku. Chay grupomanta jefetaq payta niran: “¡Qhari kanki chayqa defiendekuy!”, nispa. Adrianqa maqanakuytan munaran, ichaqa chay ratupin Jehová Diosmanta mañakuran, jinan paykunamanta aygekuyta atiran.

Adrianmi nillantaq: “Paqaristinmi chay grupomanta jefewan callepi tuparayku. Noqaqa vengakuytan munasharani. Ichaqa jujmantan Diosmanta mañakurani, chaymi sonqoyqa tiyaykuran. Chayllamanmi payqa niwaran: “Perdonaway qayna tuta maqasqaymanta, maytan munayman qan jina kayta, Bibliamanta yachachiway”, nispa. Adrianpa mana vengakusqanraykun chay waynapas Biblia estudiayta qallariran.



Adrianmanta astawan yachanaykipaq leey 2016 watamanta *Qhawaq* revistapi 5 numerota 14, 15 paginakunata, chayqa.jw.org nisqapin kashan.

3

CHEQNIPAKUYTA SONQOYKIMANTA ORQOY

Bibliapin nin: “Yuyayniykichista mosoqyachiychis [...], chhay-napin allinta yachankichis Diospa munayninga allinpuni, junt'asqapuni, sonqonpaq jinapuni kasqanta”, nispa (**ROMANOS 12:2**).

¿Imatan chaywan nishan?

Diosqa yachanmi imachus piensasqanchista (**Jeremías 17:10**). Chaymi qhawarinanchis rimasqanchispas ruwasqanchispas allinchus kashan manachus chayta. Yachasqanchis jina jujkunata cheqnikuyqa sonqonchismantan lloqsimun, chaymi tukuy atisqanchista ruwananchis mana allin piensaykunata umanchismanta orqonanchispaq. Chayta ruwaspallan manaña jujkunata cheqnikusunchu.

Kayta ruway:

Allinta reparay imaynatachus waj llaqtayoqkunata qhawarisqaykita. Jinaspa tapukuy: “¿Cheqnikunichu paykunata? ¿Jujkunaq rimasqanta uyarispallachu millay runapaq qhawarini, icha kallpachakunichu allinta reqsinaypaq?”, nispa. Wakin películakunapas jujkunapas jujkunata cheqnikunanchispaqmi tanqawasunman, chaymi chaykunataqa mana qhawananchischu.

Imayna piensasqanchista reparakuyqa sasan. Biblian ichaqa “sonqoq ima munasqantapas ima piensasqantapas allinta reparan” (**Hebreos 4:12**). Chaymi imayna piensasqanchista Bibliaq nisqanwan tupanachinanchis. Jinaspa kallpachakunanchis Bibliapi yachasqanchisman jina piensananchispaq. Diospa nisqanta kasukusun chayqa, atisunmi sonqonchismanta ima mana allin piensaytapas wijch'uyta, jujninmi kanman jujkunata cheqnikuy (**2 Corintios 10:4, 5**).



Bibliapi nisqanqa yanapasunkin jujkuna cheqnikuyta sonqoyki- manta wijch'unaykipaq



STEPHEN

runamanta yachasun

Payqa imachus
piensasqantan cambiaran

Paytapas familiantapas yuraq runakunan cheqnikuranku. Chaymi payqa juj grupoman jaykuran, chay grupomanta runakunaqa yana runakunaq derechonta respetachinankupaqmi imaymana mi-llaykunata ruwaqku. Paymi nin: “Amigoykunawanmi cineman riq kayku, chaypin peliculakunata qhawaq kayku Estados Unidospi yana runakunata sufrichisqankumanta. Chay qhepamanmi cinepi kaq yuraq waynakunata maqaq kayku, chaymantapas yuraq runakunaq barrioman rispa chaypi kaq runakunata maqaq kayku”, nispa.

Jehová Diospa testigonkunawan Bibliata estudiantaspa ichaqa cambiapuram. Paymi nin: “Tukuy ladopin rikurani yana runakunata pisichasqankuta, Jehová Diospa testigonkunawan ichaqa mana chhaynachu karanku. Juj kutinmi yuraq colorniyok hermano karu llaqtata viajananpaq wawankunata saqeran yana colorniyok familiaman. Chaymantapas rikuranin yuraq colorniyok hermanokuna yana colorniyok hermanota wasinpi alojaspqankuta”, nispa. Chaykunata rikuspan payqa yacharan Jehová Diospa testigonkunaqa Jesuspa nisqanman jina cheqaqtapuni munanakusqankuta (Juan 13:35).

¿Imatan Stephen ruwaran jujkunata amaña cheqnikunanpaq? Romanos 12:2 textopi nisqanmi yanaparan. Paymi nin: “Noqaqa millay runan karani, chhayna kasqaytan cambianay karan, tukuy atisqaytan ruwarani llamp'u sonqo runa kanaypaq”, nispa. Kunanqa 40 watañan mana pitapas cheqnikunchu.



Paymanta astawan yachanaykipaq leey 2015 watamanta 1 setiembre killamanta *Qhawaq* revistapi 10, 11 paginakunata, chayqa.jw.org nisqapin kashan.

4

DIOSPA YANAPAYNINTA MAÑAKUY

Bibliapin nin:

“Santo espiritun ruruchin: munakuyta, kusikuyta, thaj kausayta, pacienciakuyta, sumaq sonqo kayta, allin sonqo kayta, iñiyta, llamp'u sonqo kayta, cuerpo kamachiq kayta ima”, nispa (GÁLATAS 5:22, 23).



¿Imatan chaywan nishan?

Diospa yanapayninwanqa manañan jujkunata cheqnikusunchu. Diosqa santo espiritunwanmi yanapawasunman sumaq sonqoyoq kananchispaq. Noqallanchisqa manan atisunmanchu, chaymi Diospa yanapayninta mañakunanchis. Chayta ruwasunchis

chayqa apóstol Pablo jinan nisun: “Tukuy imapaqmi kallpa qowaqniyqa kallpata qowan”, nispa (Filipenses 4:13). Chaymantapas mana iskayaspan nisun: “Señor Diosmi yanapaykuwanqa”, nispa (Salmos 121:2).

Kayta ruway:

Jehová Diosta tukuy sonqoykiwan niy: “Santo espirituykita qoykuway allin sonqoyoq kanaypaq”, nispa (Lucas 11:13). Jinan espiritunwan yanapasunki munakuq, llamp'u sonqo, pacienciakuq kanaykipaq, cuerpoykita kamachinaykipaqpas. Chaymantapas Bibliapin leewaq allin sonqoyoq runakunamanta, kallpachakuwaqtaq paykuna jina kanaykipaq. Chaymantapas allin runakunawanmi amigontin kanayki, jinan paykunapas yanapasunkiku allin kaqta ruwanaykipaq (Hebreos 10:24).

“Ñaupaqqa millay runan karani. [...] Kunanmi ichaqa Diospa yanapayninwan llamp'u sonqo kapuni” (WALDO)



WALDO

runamanta yachasun
Manañan jujkunata
cheqnukuranchu

Payqa wawa kashaspan nishuta sufriran, jinan wiñaspa jujkunata cheqnukuranchu. Paymi nin: “Sapa kutillanmi droga vendeqkunawan maqanakuy kani. Juj kutinmi juj grupomanta waynakuna juj millay runata contrataranku wañuchiwananpaq. Payqa juj cuchillowanmi sat'iruwaran, ñakaymi escapakurani”, nispa.

Waldoqa phiñakuranmi esposan Jehová Diospa testigonkunawan Biblia estudiayta qallariskanmanta. Paymi nin: “Noqaqa paykunata cheqnikuspan millayta k'amiq kani, paykunan ichaqa su-maqlata rimapayawaranku”, nispa.

Qhepamanmi ichaqa Waldopas Biblia estudiayta qallariran. Paymi nin: “Noqapaqqa sasan karan yachasqayman jina kausayqa, niranin: Manachus jina jayk'aqpas millay genioytaqa cambiasaqchu”, nispa. Ichaqa juj kutinmi Bibliamanta yachasqan sonqonman chayaran.

Paymi nin: “Yachachiwaqniy hermanon Gálatas 5:22, 23 textota leechiwaran [...]. Chay qhepamantaq niwaran: Chaypi nisqan jina allin runa kanaykipaqqa manan kallpallaykiwanqa atiwaqchu, Jehová Dios santo espiritunwan yanapanasuykitan necesitanki, nispa. Chaymi allinta yanapawaran”, nispa.

Jinan Waldoqa Diospa yanapayninwan manaña jujkunata cheqnukuranchu. Paymi nin: “Familiyapas jujkunapas admirasqan kashanku cambiasqaymanta. Ñaupaqqa millay runan karani [...]. Kunanmi ichaqa Diospa yanapayninwan llamp'u sonqo kapuni”, nispa.



Paymanta astawan yachanaykipaq leey
2013 watamanta 1 octubre *La Atalaya*
revistapi 12, 13 paginakunata, [chayqa
jw.org](http://jw.org) nisqapin kashan.

¡Wiñaypaqmi chinkapunqa!

Cambiasunmanña chaypas, manan llapa runata cambiasunmanchu amaña cheqnikuq kananpaqqa. Chaymi askha runakuna cheqninakuspa kausashanku. Chhaynaqa, ¿pitaq kay pachantinmanta cheqninakuyta chinkachinman?

Jehová Diosllan chinkachiyta atinman, Bibliapitaqmi willashan chayta ruwananta (Proverbios 20:22).

CHEQNIKUYPAN APAQ KAQKUNATAN CHINKACHIPUNQA

1. SATANASTA. Satanasmi astawanqa runakunata tanqashan jujkunata cheqnkunankupa. Diosmi ichaqa Satanasta pay jina cheqnikuqkunatapas wiñaypaq wañuchipunqa (Salmos 37:38; Romanos 16:20).

2. SATANASPA KAMACHISQAN PACHATA. Mana allin kamachiqkunapas, religionkunapi umalliqkunapas runakunatan kallpachanku jujkunata cheqnkunankupa. Chaymantapas jatun negocioyoqkun runamasinkumanta suwanku. Diosmi ichaqa tukuy chaykunata chinkachipunqa (2 Pedro 3:13).

3. JUCHAYOQ KASQANCHISTA. Bibliapi nisqanman jina, llapa runan juchayoq kanchis, chaymi sonqonchis aysawanchis mana allinkunata piensananchispaq ruwananchispaqpas (Romanos 5:12). Chaymi facil-llata jujkunatapas cheq-

nikusunman. Jamuq tiempopin ichaqa Diospa yanapayninwan manaña sonqonchis aysawasunchu runamasinchista cheqnkunanchispaq (Isaías 54:13).

JAMUQ TIEMPOPIQA MANAÑAN CHEQNINAKUY KANQACHU

1. MANA CHANIN RUWAYKUNA CHINKAPUNQA.

Diospa gobiernonmi janaq pachamanta kay pachantinta kamachimunqa, chaymi llapa runa chanillanta ruwanqa (Daniel 2:44). Manañan runamasi pisichaypas cheqnikuypas kanqañachu (Lucas 18:7).

2. LLAPANCHISMI THAJPI KAUSASUN. Manañan pipas sufrinqachu guerrakuna wañuchinakuykuna kasqanwan (Salmos 46:9). Kay pachapiqa llapa runakunan munanakuspa thajpi kausanqaku (Salmos 72:7).

3. TUKUY IMAPAS SUMAQMI KAPUNQA. Llapa runakunan cheqaqta munanakuspa kausanqaku (Mateo 22:39). Manan imapas llakichiwashunñachu, nitaqmi mana allin piensaykunapas umanchisman jamunqachu (Isaías 65:17). Manaña cheqninakuy kaqtinmi llapa runakuna “thaj nisqa tiyanqaku” (Salmos 37:11).

¿Munawaqchu chhaynapi kausayta? Kay tiempopipas Jehová Diospa testigonkunaqa pachantinpin mana cheqninakuspa kausashanku. Bibliapi kamachisqanta kasukuspan chhaynata kausashanku (Salmos 37:8). May llaqtayoqña kanku chaypas, paykunaqa juj familia jinallan munanakuspa kausanku (Isaías 2:2-4).

Munakuy



Thaj kay



Pacienciakuy



Cuerpota kamachiy



CHEQNIKUY



Jehová Diospa testigonkunaqa yanapasunkikumanmi mana allin ruwaykunata pacienciawan aguantanaykipaq. Bibliata paykunawan estudiaspan pisi-pisimanta manaña jujkunata cheqninkunchu. Aswanpas runamasiykitan munakunki, cheqnikuqniykikunatapas sumaqtan qhawarinki. Chayta ruwaspaqa kusiqa kausanki, jujkunawanpas sumaqtan kausanki. Chaymantapas allintan yachanki Diospa gobiernon kamachimuqtin chaypi tiyanaykipaq imachus ruwanaykita (Salmos 37:29).




Astawan yachayta munanki chayqa, *Kusisqa kausay* folletota leey jw.org nisqapi.

Tukuy ladopin cheqninakuyqa kashan

Pachantinpin kashallanpuni runamasita cheqnikuyqa.

Internetpipas, radiopipas, televisionpipas astawanmi uyarishanchis cheqnikuq runaku-naq ruwasqankumanta noticiakunata. Chaymantapas askha runakunan runamasinkumanta burlakunku, k'aminku, juj millay ruwaykunatapas ruwanku. Chaymantapas runakunaqa rumi songomanmi tukupushanku.

Kay revistapin willashan runamasinchista amaña cheqnikunanchispaq imachus ruwananchista. Chayqa manan yanqa willakuychu, pachantinpin askha runakunaña vidankuta cambiapuranku.



¿Munawaqchu wiñaypaq kusionqa kausayta?
NISQA FOLLETOTA APACHIMUWAYCHIS

Diospa prometesqanmanta astawan yachanykipaq kay folletowan Bibliata estudiay Jehová Diospa testigonkunawan. Kashanmi www.jw.org/quz nisqapipas

IMA SIMIPI _____

SUTIYKI _____

MAYPI TIYASQAYKI _____

Direccionniykuta 2 paginapi tarinki. Bibliamanta estudiota mañakuspaymi Jehová Diospa testigonkunaman permisota qoshani noqamanta yachasqankuta jw.org nisqapi waqaychachanakupaq.



Gratislla orqoy
kay revistata
ñaupaq
revistakunatapas



Internetpi Bibliata
leey; 200 más
simikunapin
kashan

Jaykuy jw.org
nisqaman otaq
escaneay “código
QR” nisqata



wp22-1-QU
220929